

Luang Prabang

E chiini Stadt zwuesched Mekong und Nam Khan. Luang Prabang uebertrifft jedi erwartig. Da din Koenige kroent, Raenke gschmiedet und Krieg gfuehrt worde. Noed immer siegriich, mehrmals isch d'Stadt vo Burmese erobert worde. Drumm isch s'guenstiger glegene Vientianne, d'Hauptstadt vo Laos worde. Luang Prabang aheth en gwuesse Reiz, dem sich niemer entzieh chan!

Nach dem 3 Tages-trip, sind mir all mega Fuuul gsii und haend gar nid moege was undernaeh. Am 1. Abig, sind mir nachem aesse, an "Night Market" und das haet mir so richtig guet gfalle.:o) Haptsaechlich chan mer da Textilie chaufe! Vo Tuecher ueber Roeck, Schueli, Taesche,....., halt alles was eso us Stoff git! Ein muss so gaeg dae Sunneundergang, isch da "Phou Si"! Dae heilige Berg, z'mittst i dae Stadt, aheth 328 schweisstreibendi Stegetritt (bsuders bi daere Hitz). Dae Iltritt chostet 10000 Kip (1.40Fr), aber d'Uussicht macht dae Priis wieder guet. Vom Gipfel uus gseht mer denn vorallem ueber dae Suedteil vo dae Stadt und uf dae Nam Khan.

Am naechste Tag, sind mir denn, mit mae Tuk-Tuk, zum Wasserfall "Tat Kuang Si". Irgendwie isch die Fahrt fuer mi z'viel gsii. 1h Tuk- Tuk fahrae und mit mae echt wahnsinnige Fahrer und erscht no mega viel Kurve!:o (Det aachoo, han i s'erscht mal suubers Wasser gseh, i mae FLuss, sit i unterwegs bin. Dae Wasserfall isch sehr schoen gsii, aber halt uh chlii im vergliic mit em Rhiifall!:o) Unne drah, haeth's so enart es "Natural-Pool" gha und i bi, fascht unglaublich, det ine go bade:O) Isch zwar sauchalt gsii und i bin mir sicher dass da au Tierli dine gsii sind, aber hans gnosse! Zrug in Luuang Prabang, sind mir i aes "swiss Restaurant" go aesse. Das toent fuer eu vilicht komisch, aber nach immer Riis, han i die "Roesti" mega gnosse und s'haeth mich gad a dihei (Tobi) erinneret!:o) S'esse isch au da in Laos, guet und guenstig, s'Problem isch meh, dass eim oftmals nid verstoend, aber nuet daegliche tuend und denn chund mer s falsche esse ueber. :o) Aber bis jez Leb i immer no, also gits schlimmers! Am 4. Tag, haend mir daenn en Mini -Bus gnoh, nach "Vang Vieng". 6 h Busfahrt und wuerklich Platz fuer d'Bei (obwohl i ja eher zu dae chliiwuechsige ghoere) und leider haeth oeppe 5 mal so viel Kurve, wie uf'd Lenzerheid ! Ha mich also nid so guet gfuehlt und scho fascht muese e Pause iilege:O). Aber d'uussicht und d'Landschaft isch uh schoen! Da's endi Regeziit isch, isch alles sehr gruen und d'Wulchae und d'Sunne gaebet es speziells Bild ab! Unbeschriiblich!